

Za
5900

OK. 332, 18.
EPITHALAMIA
IN
SOLENNITATEM NUPTIARUM.

Ornatissimi, Integerrimiq; viri Iuvenis,

Dn: Andreae Cruschvitij:

Spectatissimi viri Dn: Jacobi Cruschvitij,

*olim Civis Reip. BUDISSINENSIS (D. re-
cordationis) relictii filii,*

SPONSI:

&

X7047009

Lectissimæ pudicissimæq; Virginis

MARTHÆ

Clarissimi viri Dn: Johannis Rhamni:

Itidem Civis BUDISSINENSIS

(p. m.) relictæ filia,

SPONSÆ.


*Celebratarum Budissinæ, Pridie Calendas Decem-
bris, Anno à partu Virginis Salutifero*

non agit In teplo sacra Minerva toro. 1609

Conscripta honoris & benevolentia E.

AB

Amicis & fautoribus.



BUDISSINÆ

Excudebat Nicolaus Zipserus.



Faint, illegible text, likely bleed-through from the reverse side of the page. The text is arranged in several horizontal lines within a rectangular border.





Quicquid homo conatur agens, CHRISTO auspice: finem
Optatum assequitur, non renuente DEO.
Id benè pensiculas, qui te submittere flammæ,
Quam mirè celebrat pagina sacra, paras.
Non etenim dubitas thalamum fulcire jugalem
Et scaphulâ fidei, remigiôq; precum.
Quam felix torus est, qui sternitur auspice CHRISTO,
Pulsando cæli supplice corde fores!
Perge tuum fulcire torum pietatis amore,
Auxilio nixus præsidioq; DEI.
Ille etenim solus potis est conjungere amantes:
Quos vult disjunctos vis inimica hominum.
Tu nobis præstas exemplum, Sponse, probatum:
Cura Iovæ quàm sit provida, quàmq; pia:
Quando etiam in minimas sese diffundere gaudet
Particulas rerum quas homo tentat agens.
Mira est cælestis cura, est prævisio mira:
Nec cadit humanæ sub rationis iter.
Scilicet ut, nutu, monearis singula duci
Archiducis: dextra quæq; subesse sua.
Ergò sis constans, fidusq; in rebus agendis,
O bone vir, dum, te quo tuearis, habes.
Quisquis enim Iovæ curæ est: huic impiger hostis
Conjugij frustra bella movère solet.
Et quia te triplici donavit munere CHRISTUS:
Magnas dic grates terq; quaterq; DEO.
Magnæ etenim laudis munus: si quando venusta,
Et nummosa simul nupta ligata viro est.

Verùm vincit opes PIETAS, vincitq; nitorem
Corporis : hæc nescit fallere quemq; virum.
O quàm grata DEO est pietas hæc ! MARTULA cuius
Semina circumfert, MARTULA laude cluens.
Hac de dote beat IOVA, laudatissime sponse:
Hac sis contentus dote: beatus eris.
Sic quoq; præterea, rerum quibus indiget usus,
Adjiciet, solus qui dare cuncta potest,
Sic suavem in terris vitam ducetis uterque:
Donec vos salvos inferat hora polo.

Abraamus Cremerus Grunbergensis:
Ecclesie Ober-Herzogvvaldensis Pastor.

SPONSE, natalem, nove, te serenum
SNUPTIJS mixtum celebrare, gaudens
Gratulor, gaudens precor, ut sit idem
Lætus, amœnus.

Dat tibi MARTHAM DEUS, hanc amabis
Ut decet, castè veneraberisq;
Charitas Sponsæ pia sit, modesta
Sitq; pudica.

Lite sint ædes vacuæ, malisq;
Cæteris : Sponsis numerosus hæres
A DEO datur: precor illud ore
Optoq; mente.

Honoris E. conscripta

Ab Henrico à Metzgeradt.

O felix

O Felix juvenis, celebris quem fama coronat,
Nec, quem suggillet mobile vulgus habet.
Est q̄, magis felix virtutum quisquis amator,
Cujus perpetuo laus generosa viget.
Ex cunctis tamen his mihi felicissimus hic est,
In cujus thalamum comta puella venit.
Talis nunc veniens tua, Sponse, est blanda virago,
Docta parare decus laude pudicitia.
Si spectas formam, qua sit prestantia, cernes,
Si spectas, quam sit gratia leta genis.
Si videas nivei rutilantia lumina vultus,
In spissis tenebris lumen adesse putas.
Singula quid memorem? cincta est diademate tali,
Quod laudem in cuncta posteritate feret.
Quid multum cessas? hanc amplexare lacertis;
Hæc est CRUSCHWIZI MARTHA dicata tibi.
Dulcia perfundant querulam nunc gaudia mentem:
Vox index animi nil nisi dulce sonet.
Efficiat leto MARTHA hæc tibi júbila vultu,
Aspiciet quoties te sine lite domo.
Hæc sit dulce decus, sit lux, fax, grata voluptas,
Nec non & domui fida ministra tuæ.
Hæc vivat tecum, dum cæli sidera durant,
Dum Sprevus noster transvehit amnis aquas.
Hæc & jucundâ faciat te prole parentem:
Hæc capiat tecum stelliferumq; polum.
Pocula dent alij, dent æris munera magna,
Hæc ego, cum desint splendidiora, fero.

Gregorius Goldammerus
Philopolit: Misnicus.


Acri gaudet equo saltus peragrare, laboris
Venator patiens, umbriferumq̄ nemus.
Aurea cū nondum rediens sol astra fugavit,
Ales surrexit pictus, agerq̄ tacet.
Sub Jove, spumantes apros sub monte repertos
Trudit in obstantes, frigidiorē, plagas.
Et cane persequitur multo, convalle virenti
Vivaces cervas dulcia dona penus.
Ut lepores captet, silvas indagine cingit,
Quo se vis, instans, vertit odora canum.
Retia rara dolos turdo mediatur edaci
Jucundæ prædæ, strymoniaq̄ grui.
Nec non imbelles ferro transigit acuto
Damas, quæ noster munera campus alit.
Sed magis, ANDREA, sociale ferire juvabit
Fœdus, cum castâ virgine, Sponse, tori.
Non etenim tantū Cererem depromit inemtam,
Vel lignis sacros extruit ista focos.
Eximit ast curas atras, reficitq̄ maritum
Defessum, in partes adjuvat atq̄ domum.
Dum regit imperio famulam, mandata capeffat,
Nec faciat longas iussa venire moras.
Exigit ac annos tecum, solando labores
Duros, filiolis te facit esse patrem.
Ut juvat, hos circum mensas vidisse repōstos
Examen, multo gratius ære, domus.
Comprecor huic Sponso talem, Deus annue votis,
Sponsis, dulce decus, præsidiumq̄ pijs.

*Christophorus Queitschius Reichen-
bacensis Lusat: Sup:*

ANDRÆ

ANDREÆ redeunt Divi solennia festa,
In quibus ANDREAS CRUSCHWITZ connubia jungit,
Virgine cum MARTHA vera pietatis amante,
Legitimi lecti tu fons & origo IEHOVA,
Da Sponsis Crasi bona, da corpusq; salubre,
Quò peragant leti juvenili corpore vitam,
Et sint concordēs, procul omni lite remotâ.
Sponsus amet Sponsam ceu partem pectoris; illa
Hunc redamet, faciens perpulchrâ prole parentem.
Hoc precor à IOVA votis ardentibus, ipse
Annuet hisce meis precibus DEUS, annuat oro.

Elias Lhemannus Budifs: Lusat:



SPONSUS es, ANDREA, & celebras hymencia festa:
Nunc essent meritò vota ferenda Tibi.
Exiguæ ingenij sunt vires, rarior usus,
Venaq; difficilis nec mihi larga fluit.
Ergò dimidio versu Te prosequor, istud
Votum quæso meum consule, Sponse, boni:
CONJUGIUM TIBI SIT FELIX. Qui centupla fundunt
Vota & verba tibi, quid poterunt aliud?

David Euchlerus Budifs: Lusat:



7a 5900 OK

[Faint, illegible text, likely bleed-through from the reverse side of the page]

[Faint, illegible text, likely bleed-through from the reverse side of the page]

WOM
m.f.



Qk. 332, 18.

EPITHAL
IN
SOLENNITATEM

Ornatissimi, Integerrimi

Dn: Andreae C

Speciatissimi viri Dn:

olim Civis Reip. BUDISS

cordationis) re

SPONS

&

Lectissimæ pudiciss

MART

Clarissimi viri Dn: Jo

Itidem Civis BUD

(p. m.) relic

SPONS.

Celebratarum Budissinae, Pr


bris, Anno à partu Vir

non agit In tep No fa

Conscripta honoris & b

AB

Amicis & fa



BUDISS

EXCUDEBAT NICOL.



Kodak
LICENSED PRODUCT

© The Tiffen Company, 2000

KODAK Color Control Patches

Black 3/Color White Magenta Red Yellow Green Cyan Blue

